

# Powšitkowne WOZJEWJENJA

njedźelu, 11. apryla 2021

## Wusyłanje Božich mšow

Serbskorěčnej Božej mši móža wěriwi tutu njedźelu, 11. apryla, znova jako livestream w interneteće scěhować. Dopoldnja w 9 hodź. přenjese so jedna z Chróšćanskeje cyrkwyje, dalša hižo we 8.30 hodź. z Kulowa. Linkaj stej na internetowych stronach [www.posol.de](http://www.posol.de) kaž tež Chróšćanskeje a Kulowskeje wosady wozjewjenej.

## Konrada Adenauerowa załožba wěnuje so Serbam

Pod hesłom „Serbja we Łužicy. Drěmacy pokład w Sakskej?“ přeprašuje Politiski kubłanski forum Sakska Konrada Adenaueroweje załožby hišće na dwě onlinowej zarjadowani z diskusiju. Srjedu, 14. apryla, wěnujetaj so Marja Michałkowa, něhdyša zapósłanča Zwjazkoweho sejma a něhdyša předsydka Rady za serbske naležnosće Sakskeho krajneho sejma, kaž tež Slepjanski wjesnjanaosta Jörg Funda k temje „Jedyn lud, jedyn hłós! Politiska participacija Serbow w Sakskej“. Hosćo poslednjeho zarjadowanja 21. apryla pod hesłom „Młodźi a dynamicy. Perspektiwy do přichoda za Serbow“ budu předsyda Domowiny Dawid Statnik kaž tež Helena Hejduškec a Jakub Wowčer ze Serbskeho młodžinskeho towarstwa Pawk. Za wobě zarjadowani je přizjewjenje trěbne. Z wobkrućenjom dóstanu zajimcy potom tež přistup připósłany. Link na stronu k přizjewjenju je pod [www.posol.de](http://www.posol.de) wozjewjeny.

## Serbske kemše w Drježdźanach

Drježdźanscy Serbja su na maćernorěčnu Božu mšu tutu njedźelu, 11. apryla, w 16 hodź. do cyrkwyje swjateho Antonija w Drježdźanach-Löbtauwje, Bünauska dróha 10, přeprašeni. Kemše budže farar Gabriš Nawka swječić. Přichodne terminaj za nje stej njedźelu, 4. julij kaž tež 12. september, dalokož postajenja to dowola.

## Modlenje w Róžeńće

Na modlersku hodzinu před wustajenym Najswjećišim su wěriwi sobotu, 24. apryla, we 18 hodź. do Róžeńčanskeje hnadowneje cyrkwyje přeprašeni. Modlitwy spěwaja so serbsce a němsce.

## Wotewrjenje zahrody

Wobswětowa a wučbna zahroda klóštra Marijineje hwězdy startuje do noweje sezony. Wona budže wot njedźele, 25. apryla, zaso wopytwarjam přistupna.

## Zakónčenje zwukoweje instalacije

Z dołhej nocu z psalmom 23 zahaji so zakónčenje spirituelneje zwukoweje instalacije w Rakečanskej ewangelsko-lutherskej cyrkwi. Započnu z džaknym nyšporom pjatk, 16. apryla, w 19 hodź. Po tym budže Boži dom hač do 23.06 hodź. přistupny. Pozadk njewšědného časa je, zo wopřija psalm 23 šěsć štučkow.